



## Aadjikkutaanit Hivuuranarniq Atuagaq

**Aturnaqtuq Maligautingit:** *Uyaraqtarvik Qayangnautigut Maligaaq, Uyaraqtarvik Qayangnautigut Maliguarutit, Hivuuranairutigut Maligaaq unalu Havaktuliqiyit Qayangnautigut Maliguarutit*

### TAUTUKTUUYAQTANGIT

(Iluannungarlugu Kampani Atia) munariyakaat aulapkaqhugit qayangnairutigut havaaq avatingit tamainnut havaktunut, munaqtiuyunut, pulaaqtunut, akiliqtauhimayut havaktit, unalu kitunuliqaak ilauhimayunut. Una ilaliutiyangit turaaqhiivlutik ihumaaluutigiyangit hivuuranaqhigumik havaktunut ayurnairutaanut qayangnaittumik iniqhimalugit havaangit hulidjuhiit.

### TIKINNAHUAQTANGIT

**Kangiqhidjutiuyuq:** Hivuuranarniq ilaliutigiyangit, kihimi angmaumavluni, atuliqittiniq taangarnit, iyiraqtuqhutik angiqtaihimanatik angayaarnaqtunik, taaktinit havautikhaq, unalu niuviqtangit havautikhaq, unaguhungniq, ihumaaluutiniq, aanniarniq unalu/uuminngaluuniit akiharnaqtumik taimaa ayuqhautilaqtangit havaktinut ihumaliuqtakhainit hulyiakhangilluuniit.

**Inikhangit unalu Munariyakhangillu:** Atannguyat tiliuqtiillu nalunaiqhiiyukhauyut qilamiuqtumik turaaqhimalugit tamaita ihumaaluutigiyangit haffumani inuu'p huliniarninga havattiaqhimagukhat qayangnaittumik. Nanminilit, atannguyat, tiliuqtit, unalu havaktunullu ilihaqhimanaqtut ukunani hivuuranaqtut naunaiqhiiyut haffumani hivuuranarniq uvani havagviat nayugaanit, uuminngalu qanuq ingattaqhittailinahuarlugit munaqhiinahuarlugillu qayangnautigut haffumani hivuuranarniq.

- (Iluannungarlugu Kampani Atia) nalunaiqtauhimaniaqtuq hivuuranaqtut ukunanngat malikhugit ukpiruhuutingit: \_\_\_\_\_

**Havaktit Pitquhiriyangit Maliktakhat unalu Uuktuutigiyangit:** Tamaat inuk havaktut uvani (Iluannungarlugu Kampani Atia), ilagiyangit akiliqhimagiyangit havaktunut, unipkaaqqhiigaaqtangit naammagiyangit havagiarnaqtuq taimaa havattiaqhimagukhat qayangnaittumik ayuqhaittumik uvannngat hivuuranarniq.

- Havaktit tuniyauniaqtut ilihautikhainit qanuq nalunaiqhiiinahuarlugit unipkaaqqhiiyakhaat hivuuranarniq uvani havagviat nayugaani.
- (Iluannungarlugu Kampani Atia) ilaliutiginiyaqtangit uqaqhimaittumik unipkaariyangit havaktunut naunaiqhimalugit tiliuqtinut haffumani taamna aangayaaqtuq inungnut uvani havagviani nayugaani.

**Munaqhinirnut Pitquhiriyangit Maliktakhat unalu Uuktuutigiyangit:** Quyaginnag havaktit kangiqhimayuyut aangayaaqhimagiyut angilraupkarniaqtangit qilamiuqtumik akhaluutikkut ilaliutigiyangit (Iluannungarlugu Kampani Atia). Una atannguyaq uuminngaluuniit tiliuqti titiraqhimagukhaat unipkaarihimalugillu qanurilingayuyuq uvunga Nunalingni Havaktigut Piliiriyi, Havaktuliqiyit Havagviat unalu Ilagiiktut Havaktuliqiniq Qayangnautinga Katimayiralaat (Kivgaqtuiyut).

- Nanminiriyangit, atannguyait, unalu tiliuqtit tuniyauniaqtut ilihautikhainit qanuq nalunaiqhiiinahuarlugit unipkaaqqhiiyakhaat hivuuranarniq uvani havagviat nayugaani. Ilittuqhiinahuarlutiglu qanuq havaktit hapummivikhainit, nalaumayumik upautiyakhait inuuqatigiyakhaat havaktit malikhimannngittangit unalu atuagaq.
- (Iluannungarlugu Kampani Atia) ikayuqhimagukhaq angmaumavikhangit uvunga atuagaq ilagiyangillu avatikhait tamainnut tamaat havaktunut. Una pilimmakharniq upalungaiyaut hapkuanguyut: \_\_\_\_\_
- (Iluannungarlugu Kampani Atia) ilaliutiginiyaqtangit (aturnariaqqat kihiani) ihumaliuqhimalugillu una havakti naammainnarumik havaamingnit havakhimayakhaat-havaaq mikhaagut pitquhinginit qaliriiqhimalugit ukunani ilumuutqumik havaamingnit kiuvikhangit haffumani havaatigut.

**Atlanut inuknut hiamitiqtailiyumik:** Tamaita havaktit unipkaariyuyut ihuiluutauhimayuyut ihumaalungnarnit ukunani unipkaariaqqtakhat. Una atit unalu nalunairnaqtut illitturvikhangit tahapkunani unipkaariyangit ihuiluutauhimayuyut ihumaalungnarnit angayuqqaanut havagvianut inungnut taimaa ahinut uqalaittut.

**Pittailitit:** (Iluannungarlugu Kampani Atia) unalu havaktingillu malikhimayakhaat maliktakhainit uuktuutingit pittailinahuarlugit havagvianut hivuuranarniq:

- (Iluannungarlugu Kampani Atia) unalu havaktingillu atuqtakhaunngittut takunnaqtut uuminngaluuniit hakugingninga haffumani iyiraqtuqhutik angiqtaihimanatik angayaarnaqtunik, angayaarnaqtuq niriiallakhautigut, uuminngaluuniit taangaq havagvingmi humilikiaq.
- (Iluannungarlugu Kampani Atia) malikhugu ilaliutigivlugit iliharniq havaktinut ukunani aangayaaqhimagiyut piyumalluaningit, ihumaaluutiniq, inuuhiq/havaaq avvautinga, ihumatigut, unalu kiudjuhingit malikhugit una atuagaq. Aadjikkutauhimayut ilinniarniq ilaliutauhimayut hapkuanguyut: \_\_\_\_\_

- (Iluannungarlugu Kampani Atia) haniraani una Ilagiiktut Havaktuliqiniq Qayangnautinga Katimayiralaat, qimilruqhugu havaaq ikaarningit, unnuktumi ihivriuqattarlugit 3 ukiungani nailihimanahuarlugit kiuvikhangit haffumani ingilrayunut havaaq unalu unnuaruktumi/unnuktumi havaaq.

- Ilahimayuyut hapumminnaqtut uuktuutigiyangit ilaliutauyuyut: \_\_\_\_\_

**Ihuinaarniq:** Quyaginnag inuk malikhimannngitkumiuk ukunani hivuuranarniq atuagaq taimaa pamiqtauniaqtangit ilagiyangillu qilamik ahivaqtauhimayuyut, unalu/uuminngaluuniit upautiningit unipkaaqtahimayuyut Piliihimanut.

**Naunaiyainiq:** Una atuagaq qimilruqtauniaqtuq aippaagunnguraangat ukunani (Iluannungarlugu Kampani Atia) ukuninngalu Ilagiiktut Havaktuliqiniq Qayangnautinga Katimayiralaat (Kivgaqtuiyut). Tiliugait haffumani ihivriuqhimaningit ilitquhingit: \_\_\_\_\_

Aulattitiyangit ukunanngat (titiraqhimalugu atia):		Atulirnaqtuq uvani:
Atiliuqhimagyaa	Qimilruriaqqtangit ukunanngat:	Qimilruriaqqtangit uvani: